



UNIVERSITÄTS-
BIBLIOTHEK
PADERBORN

Universitätsbibliothek Paderborn

Petri De Dusburg, Ordinis Teutonici Sacerdotis, Chronicon Prussiae

Petrus <de Dusburg>

Francofurti ; Lipsiae ; Regiom. Pruss., 1679

Cap. XII. De Aedificatione Castri de Redino & visione mirabili cujusdam
Fratris ibidem.

urn:nbn:de:hbz:466:1-11850

CAP. XII.

De,

Ædificatione Castri de Redino & visione mirabili cujusdam Fratris ibidem.

Anno 1233.

Anno Domini (a) MCCXXXIII. Frater Hermannus Balck Magister, Pruthenis jam eliminatis à terra Colmensi, congregato Exercitu Fratrum & armigerorum ædificavit castrum de (b) Redino antè solitudinem, quæ fuit inter terram Pomelania & Colmensem, in illo loco, ubi continuus insultus fuerat Pruthenorum, & introitus ad terram Colmensem. In hoc castro fuit quidam frater, qui illusus fraude Diaboli æstimabat veraciter, quod in Ordine Domus Teutonice non posset animam suam salvare, proponens in animo suo, quod vellet ingredi ordinem strictiorem; quo facto, vidit in somnis Beatos Bernhardtum, Dominicum, Franciscum, Augustinum, cum suis fratribus præcedere, quos cum lacrymis rogans petivit, ut eum in Confratrem assumerent, at illi singuli denegabant. Postremo venit B. Virgo Maria cum fratribus Domus Teutonice pluribus, quam ipse cœpit humiliter implorare rogans, ut eum saltem in Consortio fratrum suorum permitteret remanere. Cui Virgo beata: Non expedit quia tibi videtur, quod ordo tuus sit ad eò laxus, quod nihil sit in eo, in quo secundum desiderium tuum posses pati, & elevans singula fratrum pallia, ostendit vulnera & plagas quibus fuerant ab infidelibus interfecti pro defensione fidei, & ait: Num videtur tibi, quod isti fratres tui sint aliquid passi pro nomine Jesu Christi & hoc dicto disparuit visio: Et ille Frater evigilans reversus ad se, processit ad (c) Capitulum, ubi fratres fuerant congregati & quod temere de proposito suo illis

*Hermannus de Salza IV. Magister Generalis Ord. Teutonici.
Hermannus de Balke I. Magister Provincialis in Prussia.*

illis demandavit hoc modo tanquam sapiens & expertus humiliter revocans tanquam erroneum, visionem quam viderat, omnibus publicavit, qui frater in Dei servitio perseverans non longe postea ab Infidelibus est occisus.

ANIMADVERSIONES.

- (a) Jeroschinus & Autor Chronici Ordinis referunt hoc ad An. 1234.
(b) Vid. Henneb. in *Comment. ad Tab. Prussiae Geogr. p. 394.*
(c) Id est Collegium Fratrum Ordinis Teutonici. Capitulum vox est barbara.

CAP. XIII.

De

Adventu Marchionis Misnensis.

Hoc tempore Nobilis & illustris ille DEO devotus Princeps (a) Henricus Marchio Misnensis cum quingentis Viris Nobilibus & in armis expeditis multoque divitiarum apparatu venit ad terram Prussiae. Hujus Viri animus & totus conatus ad destructionem infidelium & ad Christianorum terminos dilatandos fuerat inclinatus.

ANIMADVERSIO.

- (a) Hujus Henrici filius Theodoricus itidem expeditionem in Prussiae suscepit An. 1272. de qua infra cap. 128.

CAP. XIV.

De

Destructione Plurium Castrorum & subjugatione Pomesanorum.